

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
TUŽILAŠTVO SREDNJOBOSANSKOG KANTONA
Broj: T06 0 KT 0031019 22
Travnik, 02.06.2022. godine.

OPĆINSKOM SUDU U BUGOJNU
Sudiji za prethodno saslušanje

Na osnovu odredbe članka 45. stav 2. tačka i. , član 241. stav 1. Zakona o krivičnom postupku Federacije Bosne i Hercegovine, p o d i ž e m:

O P T U Ź N I C U

Protiv:

Mevludin Jusić, rođen 1977. godine.

Što je:

1. Dana 10.05.2022.godine u jutarnjim satima oko 03:20 sati u ul. 717. Slavne brdske brigade bb, općine Donji Vakuf, neovlašteno prodro u tuđi dom odnosno kuću vl. H. B. u kojoj živi njegova supruga oštećena J. F. zajedno sa mldb. djecom J.Z. i J.S., na način da je upotrebom fizičke sile djelovao na ulazna vrata kuće dimenzija 80x220 cm koja je nasilno otvorio i tom prilikom oštetiio štok ulaznih vrata u vidu rascijepljena istog u dužini od 2 metra te razbio staklo nadvratika ulaznih vrata dimenzija 18x80cm, nakon čega je ušao u unutrašnjost kuće a potom došao do prostorija kuhinje u kojoj se nalazila oštećena sa mldb. djecom ponašajući se agresivno, pa se na zahtjev oštećene da napusti prostorije kuće nije udaljio iz prostorija kuće, svjestan da upotrebom fizičke sile djelujući na ulazna vrata može nasilno otvoriti ista i da nema odobrenja oštećene za ulazak u unutrašnjost kuće i htijući to, o kojem događaju je oštećena obavijestila PS Donji Vakuf.
2. Dana 10.05.2022.godine u jutarnjim satima oko 03:20 sati u ul. 717. Slavne brdske brigade bb, općine Donji Vakuf, a nakon što je neovlašteno bez odobrenja oštećene supruge J. F. upotrebom fizičke sile prodro u unutrašnjost kuće vl. H. B. u kojoj živi oštećena sa mldb. djecom J.Z. i J.S, nasiljem, drskim i bezobzirnim ponašanjem ugrozio mir i tjelesnu cjelovitost oštećene J. F. na način da je po ulasku u prostorije kuhinje kuće uhvatio oštećenu za ruke te je vukao a zatim stavio na sečiju, nastavljajući da i dalje povlači oštećenu za tijelo govoreći joj da je njegovo srce, da moraju živjeti zajedno, pa kada mu je oštećena rekla da ne želi živjeti sa istim zahtijevajući da napusti prostorije kuće, isti je oštećenu rukom uhvatio u predjelu usta i jako stisnuo govoreći da će je silom natjerati da žive zajedno, te nastavio da oštećenu povlači za odjeću u predjelu grudi da bi potom kćerki mldb. J.Z. se obratio riječima da će je ubiti, pri kojem agresivnom ponašanju je od oštećene oduzeo i mobilne telefone marke Samsung J5, crne boje, Samsung J7, crne boje, Samsung sive boje i Xiaomi Red Me, plave boje, pa kada je oštećena pokušala da smiri istog, isti je stao ispred oštećene kako ne bi napustila kuću, svjestan da ovakvim nasiljem, drskim i bezobzirnim ponašanjem ugrožava spokojstvo, tjelesnu cjelovitost i duševno zdravlje člana porodice oštećene J. F. i htijući to, koji događaj je oštećena prijavila PS Donji Vakuf i istoj je ukazana liječnička pomoć u JU Dom zdravlja Donji Vakuf.

Čime je počinio krivično djelo Narušavanje nepovredivosti doma iz člana 184. stav 1. KZ F BiH **opisano pod tačkom 1. optužnice** u sticaju sa krivičnim djelom Nasilje u porodici iz člana 222. stav 1. KZ FBiH **opisano pod tačkom 2. optužnice** sve u vezi sa članom 54. KZ F BiH.

Na osnovu člana 151. stav 1. ZKP FBiH iz razloga navedenih u članu 146. stav 1. tačka c) ZKP-a F BiH, obzirom **da postoje naročite okolnosti koje opravdavaju bojazan da će osumnjičeni ponoviti krivično djelo**, postupajući tužilac je podnio prijedlog za određivanje pritvora nakon potvrđivanja optužnice.

KANTONALNI TUŽILAC